



**БУЛГАН АЙМГИЙН ЗАСАГ ДАРГЫН
ЗАХИРАМЖ**

2022 оны 11 сарын 25 өдөр

Дугаар 29/705

Булган сум

Журам батлах тухай

Монгол Улсын засаг захиргаа нутаг дэвсгэрийн нэгж түүний удирдлагын тухай хуулийн 60 дугаар зүйлийн 60.1.7, 60.1.1, 60.1.21 дэх заалт, Соёлын өвийг хамгаалах тухай хуулийн 16 дугаар зүйлийн 16.1.12 дахь заалт, Соёлын тухай хуулийн 24 дүгээр зүйлийн 24.1.1 дэх заалт, Монгол Улсын засгын газрын 2018 оны 354 дүгээр тогтоолоор баталсан "Соёлын биет бус өвийг сурталчлан алдаршуулах, түгээн дэлгэрүүлэхэд онцгой хувь нэмэр оруулсан өвлөн уламжлагчид мөнгөн шагнал олгох журам"-ын 2 дугаар зүйлийн 2.2 дахь заалтыг тус тус үндэслэн ЗАХИРАМЖЛАХ нь:

1. Соёлын биет бус өвийг уламжилж, сурталчлан түгээн дэлгэрүүлсэн өв уламжлагчид урамшуулал олгох журмыг хавсралтаар баталсугай.
2. Энэхүү журмын хэрэгжилтийг хангаж ажиллахыг Соёл, урлагийн газар (Г.Алдармөнх)-т, журмын хэрэгжилтэд хяналт тавьж, удирдлага зохион байгуулалт, мэргэжил арга зүйн удирдлагаар хангаж ажиллахыг Аймгийн Засаг даргын Тамгын газрын Нийгмийн бодлогын хэлтсийн дарга (М.Батчимэг)-т тус тус даалгасугай.

ЗАСАГ ДАРГА



Б.АРИУН-ЭРДЭНЭ

6322010936

Аймгийн Засаг даргын 2022 оны .../... дүгээр сарын ...-ны өдрийн ... дугаар захирамжийн хавсралт

**СОЁЛЫН БИЕТ БУС ӨВИЙГ УЛАМЖИЛЖ, СУРТАЛЧЛАН ТҮГЭЭН ДЭЛГЭРҮҮЛСЭН ӨВ
УЛАМЖЛАГЧИД УРАМШУУЛАЛ ОЛГОХ ЖУРАМ**

2022.11.01

Булган хот

Нэг. Нийтлэг үндэслэл

1.1. Соёлын биет бус өвийг үндэсний болон бүс, орон нутгийн түвшинд сурталчлан, түгээн дэлгэрүүлэхэд хувь нэмэр оруулсан, тухайн жилд 3-аас доошгүй хүнд өвлүүлсэн өвлөн уламжлагчийг тодруулж, шагнаж урамшуулахтай холбогдсон харилцааг энэ журмаар зохицуулна.

1.2. "Соёлын биет бус өв" гэж "Соёлын өвийг хамгаалах тухай" хуулийн 7 дугаар зүйлд заасан "Өв"-ийг ойлгоно.

1.3 "Соёлын биет бус өвийг өвлөн уламжлагч" гэж "Соёлын өвийг хамгаалах тухай" хуулийн 3.1.8 дэх заалт "соёлын биет бус өвийг ур чадварын өндөр түвшинд өвлөн эзэмшсэн, түүнийгээ олны хүртээл болгож, дараагийн үедээ өвлүүлэн уламжлуулж байгаа хамт олон, бүлэг, хувь хүнийг гэж тодорхойлно.

1.4 Жил бүр соёлын биет бус өвийг үндэсний болон орон нутгийн хэмжээнд сурталчлан алдаршуулах, түгээн дэлгэрүүлэхэд онцгой хувь нэмэр оруулсан, өвлүүлэн уламжлуулсан нэг хүнийг шалгаруулан "Соёлын өвийг хамгаалах тухай" хуулийн 16.1 дэх заалтыг үндэслэн Аймгийн Засаг дарга "Мөнгөн шагнал" (цаашид "шагнал" гэх) олгоно.

1.5 Энэхүү журам нь Булган аймгийн үндсэн харьяалалтай, биет бус өвийг Булган аймгийн харьяат, Булган аймагт байнга оршин сууж буй иргэнд өвлүүлэн уламжлуулсан иргэдэд хамаарна.

1.6 Нэг хүнд шагналыг нэг удаа олгоно.

Хоёр. Шагналд нэр дэвшүүлэх, хянан шийдвэрлэх

2.1. Шагналд дараахь шалгуур үндэслэлээр нэр дэвшүүлнэ. Үүнд:

2.1.1. Үндэсний болон бүс, орон нутгийн хэмжээнд зохион байгуулагдсан уралдаан, тэмцээнд амжилт (шагналт байр эзэлсэн болон тусгай шагнал хүртсэн) гаргасан;

2.1.2. Соёлын биет бус өвийг сурталчлах, түгээн дэлгэрүүлэх чиглэлээр дотоод болон гадаад улсад зохион байгуулагдсан арга хэмжээнд идэвхтэй оролцсон;

2.1.3. Соёлын биет бус өвийг сурталчлах, түгээн дэлгэрүүлэх чиглэлийн арга хэмжээг улс, аймгийн хэмжээнд болон гадаад улсад өөрийн санаачилгаар зохион байгуулсан;

2.1.4. Соёлын биет бус өвийг хамгаалах, хөгжүүлэх үйл хэрэгт идэвх, санаачлагатай оролцсон;

2.1.5. Тухайн жилд Соёлын биет бус өвийг 3-аас доошгүй хүнд өвлөн уламжлуулсан нэг өв тээгчийг шалгаруулах

2.2. Сумдын Засаг дарга "Өвлөн уламжлагч"-ийн шагналд нэр дэвшүүлэх саналыг жил бүрийн 11 дүгээр сарын 01-нээс өмнө Соёл урлагийн газарт ирүүлнэ. Саналд дор дурдсан баримт бичгийг хавсаргана:

2.2.1. Шагналд нэр дэвшүүлсэн тухай албан бичиг;

2.2.2. Өвлөн уламжлагчийн иргэний үнэмлэхний хуулбар; le-mongolia цахим системийн лавлагаа байж болно.

2.2.3. Харьяалах сумын соёлын төв, баг, хорооны Засаг даргын тодорхойлолт;

2.2.4.Соёлын биет бус өвийг үндэсний болон бус, орон нутгийн хэмжээнд өвлүүлсэн, сурталчлан алдаршуулах, түгээн дэлгэрүүлэх чиглэлээр хийж гүйцэтгэсэн ажлыг гэрчлэх баримт бичиг, гэрэл зураг, дүрс бичлэг, бусад нотлох зүйл.

2.3.Соёл урлагийн газар энэ журмын 2.2-т заасан баримт бичгийн бүрдлийг хянаж хүлээн авна. Бүрдэл дутуу баримт бичгийг хүлээж авахгүй.

2.4.Соёлын урлагийн газар шагналд нэр дэвшүүлсэн өвлөн уламжлагч тус бүрийн талаар дор дурдсан байгууллагаас санал авах ажлыг зохион байгуулна:

2.4.1.Аймгийн бүртгэл мэдээллийн сан.

2.4.2.Соёл урлагийн газар энэ журмын 2.2-д заасан баримт бичгийг авч газрын даргын томилсон ажлын хэсэгт шилжүүлнэ.

2.8. Ажлын хэсэг шагналд нэр дэвшүүлсэн өвлөн уламжлагч тус бүрийн талаар нэг бүрчлэн хэлэлцэж, нэг өвлөн уламжлагчийг нууц санал хураалтаар тодруулан санал, дүгнэлтийн хамт Соёл урлагийн газарт хүргүүлнэ. Газрын дарга ажлын хэсгийн дүгнэлттэй танилцаж, аймгийн Засаг даргад албан бичгээр хүргүүлнэ.

2.9. Ажлын хэсэг шагналд нэр дэвшигчийг тодруулахдаа өвлөн уламжлагчийн нэр дэвшсэн шалгуур үндэслэлийн хүрээнд гүйцэтгэсэн ажлын үр дүн, тоо хэмжээ, чанарын үзүүлэлтээс гадна түүний ур чадвар болон бэлтгэсэн шавь, соёлын биет бус өвийн чиглэлээр хэвлүүлсэн судалгаа, сурталчилгааны ном, бүтээл зэргийг харгалзана.

2.10.Аймгийн Засаг дарга нь ажлын хэсгийн санал, дүгнэлтийг үндэслэн өвлөн уламжлагчид шагнал олгох шийдвэрийг гаргаж, олон нийтэд зарлана.

Гурав. Шагнал гардуулах

3.1. Шагнал гардуулах ёслолын арга хэмжээг соёл урлагийн газар зохион байгуулна.

3.2. Шагналыг тухайн жилдээ багтаан Аймгийн Засаг дарга гардуулна.

3.3. Шалгарсан өвлөн уламжлагчид Хүндэт өргөмжлөл, 1.000.000 (нэг сая) төгрөгийн мөнгөн шагнал олгоно.

3.4.Өвлөн уламжлагч нас барсан бол шагналыг түүний гэр бүлийн гишүүнд гардуулж өгнө.

3.5.Шагнал олгосон өвлөн уламжлагчийг хэвлэл, мэдээллийн хэрэгслээр олон нийтэд сурталчлах ажлыг соёл, урлагийн асуудал хариуцсан төрийн захиргааны төв байгууллагатай хамтран зохион байгуулна.

Дөрөв. Бусад зүйл

4.1. Шагнал олгоход шаардагдах зардлыг аймгийн Засаг даргын нөөц хөрөнгөнөөс санхүүжүүлнэ.

о О о